

Dialogi 4. Stolua kattamašša (š. 12–13).

- Muamo: Šyömmäkö kakrahuttuo? Mie leikkuan lisyä leipyä.
- Saša: Mie kannan luuvvat stolah.
- Mila: Ta mie kuan mehuo.
- Muamo: Vain kun himottais kahvie, ka onnakko juon kuitenkis čäijyö. Mila, ollouko kaikkie jo stolašša?
- Mila: Luuvvat ta lusikat ollah...
- Saša: Stokanat ta kupit niisi.
- Muamo: No hyvä. Šyömäh ristikanša!

Harjotuš 4-1. Mitä šiula himottais juuvva? Valiče paššujat šanat.

- Malli: Miula himottais... čäijyö, ka onnakko juon kuitenkis... marjavettä.

maituo, vettä, kahvie, mehuo, mahlua, čäijyö, kakaota, hapanmaituo, vuaššua, piivuo, viinua, šienivettä, marjavettä, morššie, kompottie.

Harjotuš 4-2. Šanele, mitä stolalla on ta mitä ei ole?

- Malli: Stolalla on stokana, ka ei ole... luotua.

luota, stokana, kuppi, mehupaketti, veičči, lusikka, čäinikkä, leikkuulauta, kahvinkeitin, luotua, stokanua, kuppie, mehupakettie, veistä, lusikkua, čäinikkyä, leikkuulautua, kahvinkeitintä.

Harjotuš 4-3. Löyvä paššujat verbit viivan alta ta kekši virkkehen jatko.

Malli: Hiän kantau luuvvat stolah. Hyö leikatah leipyä.

Hiän

Hyö

kantau, leikatah, ečitäh, ruatah, leikkuau, keitetäh, ruatau, keittäy, eččiy, kannetah.

Harjotuš 4-4. Valiče alla annetuista šanoista kolme ta šelitä ne. A toiset anna arvatah!

Malli: Muila. Še on lipie, še haisu makiella, šillä pešeyvytäh.

Kulakka, čakari, pieluš / potuška, tualettipaperi, käsipaikka, potta, pyykkitelineh, šuka, kormano, pikkupukšut, helyni, bodi, polčča, jiäškuappi, kalenteri, luota, stokana, čäinikkä, stuula, stola, niepšiempäini, juovikaš, kukikaš.